

ԿԵՐՊԱՐԻ ՄԱԹԵԻՈՍԵԱՆԱԿԱՆ ԸՆՏՐՈՒԹԻՒՆԸ

ՎԱԼԵՐԻ ՓԻԼՈՅԵԱՆ
vahagp@mail.ru

Ժամանակը բացելու, կերպարը գտնելու, հականը կերպաւորելու ձգտումն ըստ հոլթեան ամբողջական է ներկայանում Հրանտ Մաթեոսեանի ստեղծագործութեան մէջ: Եթէ անգամ այն չի ներկայանում որպէս գիտակցուած նպատակադրում, ապա դրսեւորում է որպէս ենթագիտակցական ընտրութիւն, ինչը ձեւաւորել են Եւ հայոց կեանքի ու գեղագիտութեան, Եւ ժամանակի ու ժամանակի մարդու իմացութիւնը, Եւ գրող լինելու պատասխանատուութիւնը, Եւ գրականութեան առաքելութիւնը: «Գրականութիւնը միշտ էւ ամէն անգամ սկիզբ, փորձ ու յանդգնութիւն է»¹: Ժշտեանք, որ որոշակի մարդու ու ճակատագրի եւ կեցութեան՝ սովորականի, ամենահասարակի գրականացումը արարման, վերակերտման եւ բացայայտման «փորձ ու յանդգնութիւն» է: Սա ձեւաւորում է անյայտանանունների այն բազմութիւնը, որ Գաւգամելայի ճակատամարտում կռուովոփում էր Ալեքսանդր Մակեդոնացու յաղթանակը, որ, մինչ այդ, Տրոլադայի դարպասների մօտ Հեղինէ էր փորձում վերադարձնել կամ չվերադարձնել, որ մորթւում էր ու խոշտանգւում Դէր-Չօրի անապատներում, որ «Վասն հայրենեաց, վասն Ստայինի» էր գոռում Բեռլինի մատոյցներում... : Մարդկանց բազմութիւն, որ կարիք ունի մարդկային ջերմութեան ու փաղաքանքի, սիրոյ ու նուիրումի: Ամէն մէկի մէջ տրոփում է մի սիրտ, մի հոգի, մի գաղափար, մի-երկու բնագը, որոնք լիարժէք դրսեւորուելու հնար ու միջոց են ուզում, բայց արտաքին աշխարհի պարտադրանքները ձեւախեղել են նրանց: Ո՞վ է գրողը նրանց վերաբերմամբ եւ ի՞նչ առաքելութեան է դատապարտում իրեն, կամ խորանարով մարդկային ճակատագրի մէջ՝ ի՞նչ լոյս է տալու նրանց (կամ ինչպէ՞ս է մոռացնել տալու նրանցից քչերի անձն ու գործը): Սեփական անհատականութեանն ու գեղագիտութեանը, սեփական ճակատագրին ու սեփականուած ժամանակին հետամուտ՝ ամէն գրող առաջադրում է իր մեկնակէտը, նաեւ՝ Մաթեոսեանը. «Ուզում եմ ճշմարիտ վերծանողը լինել նրանց ճակատագրի, ովքեր անհատականութիւն են, բայց կորուստների ու նուաճումների ամփոփագիր են մտնում որպէս անդէմ-անանուն-անցաւ սոսկական միատոր, մեծ ողբերգութիւններում համը ֆոն են եւ վատ գրողների անգոր գործերում ամբողջ են կնքում»²: Այնինչ, եթէ փորձելու ենք մարդ ու մարդկայնութիւն վերացական գաղափարների միլիարդաւոր բազմութեան մէջ տեսնել եւ գնահատութեան ենթարկել որոշակին ու իրականը, քանի որ «գրականութիւնը, այո, կեանքն է, ողբերգական ու սիրելի կեանքն է ...»³, ապա պիտի ենթադրուի, որ եթէ ոչ չափանիշը, ապա գոնէ չափման միաւորը, հենց հասարակ, չաղաւաղուած մարդն է՝ գերծ բարդոյթներից, ազատ պարտադրանքներից ու բռնութիւններից, որին դեռ հասնել է պէտք: Ի. դարի ողջ գրականութիւնն ասես փորձում է ազատագրել այդ մարդուն քաղաքակրթական կապանքներից ու տաբուներից, քաղաքական, սոցիալական, կրօնական, բարոյական, այլեւայլ տարազներից՝ հասնելու համար մարդու

նախնական՝ աղամական կերտուածքին, ասել է՝ գրողի համար ցանկալի էլակէտին.

«Ուզում եմ տեսնել, թէ ով է այդ հասարակը, որ իրեն այդպէս սիրաշահում, իրեն կորցնելուց այդպէս վախենում, իրենով սպառնում, իրենից զգուշանում, աղայաբար այդպէս կարեկցում ու աղայաբար քամահրում, իրեն այդպէս կռան են դարձնում եւ զնդան են դարձնում, իր հնագանդ լուրջեան վստահ հաշուարկով՝ իր անունից ու իր դէմ արշաւանքի են ելնում խօսքի ու զէնքի տիրակալները: Բայց կը կարողանա՞մ, դուք կարո՞ղ էիք, խօսքի ու արկի այս տարափի տակ կանգնել ու անկողմնակալօրէն տեղեկացնել, թէ «այստեղ հասարակներ չեն ու հայեր չեն, այստեղ դուք ինքներդ էք», երբ ինձ խոցել են հենց որպէս հայի ու հասարակի, երբ իրենց ամբոխով ոտնատակ են տուել իմ «ամբոխը», որի մնացորդը 70 տարի անց այսօր էլ երկրից երկիր է փախչում եւ հայրենիք չի գտնում ու չի գտնելու: Ողբերգակի փոխարէն ես չպիտի՞ դառնամ ողբերգութեան շարքային գոհ»⁴:

Գրեւորում է ոչ միայն կերպարի ընտրութեան ինդիւր, այլեւ, որ աւելի կարեւոր է, սեփական գրականութեան եւ շարունակելիքի հանդէպ որդիական, գրողական տագնապ, որ շրջափակում է նոյն այդ ասելիքը: Եւ հեղինակը չի տեսնում իր սեփական գրականութեան վաղուայ օրը, ինչը դառնում է այդ գրականութեան չգոյութեան առհաւատչեան, հեղինակի պարտութեան «ինքնախոստովանութիւնը»: Նմանատիպ վերաբերմունքը հեղինակի ոչ թէ պարտութեան, այլ լռութեան արտայայտութիւնն է: Բայց կայ եւ Գրականութեան՝ Խօսքի եւ Խօսքարուեստի զգացողութիւնը:

Գրականութեան նման ընկալման դէպքում Մաթեոսեանի առաջին պատուիրանն է դառնում «Սիրիր մերձաւորիդ»ը, աւելի շուտ՝ «Սիրիր ամէնեցուն»ը, եւ այս այլասիրութիւնը պատահական-զգացական ու ժամանակավրէպ դրօշակ չէ, այլ գրողի ու գրականութեան միակ, եզակի ու անկրկնելի կենսակերպ, քանի որ ամենայն կենդանի ու անկրկնելի, ամենայն շնչաւոր ու գոյ, նաեւ մարդը, աստուածային շնչի կրող է ու արարչագործութեան արդիւնք. «Իւրաքանչիւր մարդ դարերի աշխատանք է, հազար տարուայ գոյակցութիւն»⁵: Ուրեմն եւ՝ «... գրականութիւնը փնտռում է Աստծու մարդուն: Փնտռում է մարդու անաղարտ վիճակը: Մարդը ծնում է բնական,- գրում է Մարտիրոս Սարեանը,- յետոյ քաղաքակրթութիւնը շերտ առ շերտ ստուածք է տալիս մարդու մէջ, մարդն աղաւաղում է:

Գրականութիւնը փնտռում է չաղաւաղուած մարդուն ու չաղաւաղուած փոխյարաբերութիւնները՝ մի կողմից չափազանցելով մինչեւ արստրակցիա մարդու եւ փոխյարաբերութիւնների աղաւաղումը, միւս կողմից մարդկանց փոխյարաբերութիւնները ցուցադրելով անաղարտ, մաքուր, բնական, մինչեւ անզամ նախնական վիճակում»⁶: Ահա եւ նախնական վիճակին հասնելու համար հարկ է շերտ առ շերտ մաքրել նստուածքը, տեսնել չաղարտուածը, իրաւ աստուածայինը, որ կայ ամէնի մէջ:

Նախաստեղծ եւ քաղաքակրթուած մարդկանց միջեւ տարբերութիւնն այնքան էլ մեծ չէ՝ ըստ Կարլ Գ. Եունգի. «... հնամենի հոգեբանութիւնը ոչ միայն նախնական, այլեւ ժամանակակիւր, քաղաքակիրթ մարդու հոգեբանութիւնն է, բայց դրա տակ գիտակցում են ոչ թէ իւրաքանչիւր քաղաքակիրթ անհատի առանձին դրսեւորումները, [այլ այն՝ որ], չնայած [նրա] գիտակցութեան

բարձր աստիճանին, [նա] հոգեկանի աւելի խորունկ շերտերում դեռ մնում է նախնական մարդ»⁷:

«Փոքր», նախնական ու անաղարտ մարդու այս չափանմուշը առաջին հերթին կեանքից է գալիս, կեանքն ու իրականութիւնն են գրականութեան նիւթն ու արտացոլման ելակէտը:

«...Այդ փոքրիկ մարդիկ ... այնքան մեծ չեն՝ որ երեւային իմ եւ ձեր տեղերից ու բոլոր կողմերից, բայց եւ շատ են, ամէն մէկիս կեանքում՝ գոնէ մի քանիսը, եւ շատերս ու բոլորս ենք այդ փոքր մեծ մարդը, մեզում եւ մեր մէջ եղել է ու կայ՝ որպէս հայր, ընկեր, կին, որդի, կողմնակի անծանօթ, ժողովուրդ: ... նրանք մի մեծ առաւելութիւն ունեն՝ շատ են, ժողովուրդ են, ինքը ժողովուրդն են՝ որ անբարոյականութիւնից որպէս բնագանցութիւնից է խորշում, այլապէս մեր կեանքը կեանք չէր լինի եւ կեանքն առհասարակ չէր լինի: ... Ըստ ժողովրդի, ժողովրդով ստեղծուած մեր իսկ կերպարներով է կարելի վերականգնել կորսուած բարոյականութիւնը»⁸: Ասուածն ասելուց դեռ տարիներ առաջ էր ձեւակերպուել՝ որպէս որոշակի աշխարհայեացք, վերաբերմունք ու համոզմունք: «...Առասպելի ջրիեղեղը եթէ կրկնուէր՝ Նոյեան պէս կարող էի վերստեղծել հողագործութեան ու անասնապահութեան մեծ մշակոյթները, եւ մարդկանց յիշողութիւնը եթէ յանկարծ խաթարուէր՝ ազգականներիս ու երկրացիներիս այն օրերի վարքից կարող էի նորից ժողովել մարդկային բարոյականութեան օրէնսգիրքը»⁹: Կամ՝ «... Եւ եթէ ինչ-որ բան պատահէր մարդկութեան յիշողութեանը, եւ կարող էի իմ համագիւղացիների պատկերով ու նմանութեամբ, նրանց այն ժամանակուայ կեանքի պատկերով նորից ժողովել մարդկային բարոյականութեան օրէնսգիրքը...»

Ես կը ցանկանայի հնարել հիասքանչ շատ մարդկանց, եւ այդ դէպքում տեղ չէր մնայ վատ մարդկանց համար...»¹⁰: Ըստ հուլիանի «Յեոգրութիւն. Տասնհինգ Տարի Անց» խոհագրութիւնը՝ նուիրուած Մաթեոսեանի ստեղծագործութեանը եւ նրա գրականութեան արարչագործական խորհրդին¹¹: Այս նոյն զգացողութիւնը կայ Ֆելիքս Մելոյեանի արձանագրած խօսքում: «... Եւ քանզի իր հերոսների մէջ արարիչ տեսաւ եւ օժտեց դրանց արարչագործութեամբ, անտառամէջցի այդ հովիւները, այդ Անդրոսն ու Ադունը, այդ Ալիսօ բեռնածինն ու Մաթիկ գոմէշը, որ ծնուել, հայի առակը պատմել ու խաչուել էին գրի իրենց իրականութեան մէջ, յարութիւն առան իրական մեր կեանքում: Եւ հիմա այլեւս ոչ մենք, ոչ մեր զուակներն ու զուակների զուակները չենք կարող յոգնատանջ այդ մաճկալներին ասել, թէ մեր կողքից մի՛ քայլէք, մեր բանին մի՛ խառնուէք ու մեր անունից մի՛ խօսէք»¹²:

Ասուածը նաեւ վերաբերմունք է Մաթեոսեանի՝ առ գրականութիւնն ու նեցած գիրքորոշմանը, որի ընթացքում գրսեւորում է ոչ միայն սեփական՝ ինքնաստեղծ գրականութեան հանդէպ ունեցած վերաբերմունք, այլ նաեւ այլոց ստեղծածի գնահատութիւն: «Եթէ դժգոհ եմ մեր նորերից՝ ահա սրա համար, մակերեսային կեանքի պատկերը բերելու, մակերեսայնութեան եւ անգորութեան, խեղճութեան համար: Խեղճութիւն է դա ի վերջոյ: Զօրութիւնն է պակասում, որ այդ մակերեսը կարողանան քերել ու հասնել ամենատակերի մարդ-աստծուն, որովհետեւ Աստուած երկնքում չէ, Աստուած մարդու մէջ է:

Ամենատակերից, ամենախորքերից է մարդը Աստծուն հանել, հեռացրել, երկնքում բնակեցրել: Այդ աղբի եւ շփոթումովն մէջ մարդ կայ, այլապէս չէինք լինի մինչեւ հիմա: Քանի՜ անգամ մարդը կանգնել է կատակիզմների առջեւ եւ կարողացել է եզրով անցնել, շրջանցել: Իր միջի այդ Աստուածը, իր միջի Քրիստոսը նրան տարել է, այդուհանդերձ, բարութեան, սրբութեան, համբերելու, սիրելու, ներելու ճանապարհով»¹³:

Թերեւս նոյն կամ նմանատիպ ձեւակերպումներ գտնենք այն բոլոր անդրադարձներում, որ եղել են Մաթեոսեանի ստեղծագործութեանը: Սակայն բոլոր դէպքերում կայ հեղինակային ելակէտը, որ է. «Իւրաքանչիւր իրական մարդ դարերի աշխատանք է, հազար տարուայ գոյակցութիւն, ծմակուտցի ցանկացած մարդու մէջ շեքայիրեան ողբերգութիւն կայ, շիլլերեան ճախրանք, տոլստոյական մաքրութիւն, էլ ինչո՞ւ պիտի մարդ յօրինեմ, կեանք յօրինեմ»¹⁴:

Ասել է՝ կեանքն է այն մեծ կենսատարածքը, ուր դրսեւորուած հասարակ, բայց դարերի կերտած կերպարաշարն է դառնում հեղինակային դիտումի աւարկայ: Սրա վերամարմնաւորումն էլ կերպարի ընտրութեան տեսակէտից դառնում է հեղինակի նպատակը. «Մեր անկրկնելի, մեր մեծ, մեր մարդասէր, մեր անոխակալ, մեր Աստծոյ չափ բարի կերպարը եթէ ես կարողանամ մի քիչ սեւեռել գրականութեան մէջ, գրողական աշխատանքով իմ գրադումը ես մի քիչ արդարացումս կը համարեմ»¹⁵:

Անկրկնելին մարդն է, իւրաքանչիւրը, այն փոքր տիեզերքը, որ կայ տիեզերքի մէջ եւ յաճախ նրանից բարդ է ու անըմբռնելի: Այս մարդու, ի մասնաւորի մարդկային հոգու անբաւ գաղտնիքների ու տարողութեան մասին նմանատիպ կարծիք ունի նաեւ Ի. դարի մտածողը. «Հոգին, լինելով աշխարհի եւ մարդկային անհատականութեան արտացոլքը, այնքան բազմակերպ է, որ գոյութիւն ունեն դրա դիտարկման անհաշիւ ասպարեզներ: Հոգեկանի հետ ամէն ինչ տեղի է ունենում հենց այնպէս, ինչպէս աշխարհի հետ. աշխարհի կանոնակարգումը մարդու հասանելիութիւնից դուրս է, այդ պատճառով էլ ամէնը, ինչ մենք այդ իմաստով ենթադրում ենք,- միայն հետաքրքրութեան սահմաններից դուրս ինքնաճիգ կանոններ են: Ամէն ոք կորգում է աշխարհի իր սեփական մասը եւ կառուցում է աշխարհի իր սեփական անհատական համակարգը՝ յաճախ անթափանցելի պարիսպներով, որի արդիւնքում որոշ ժամանակ անց նրան թում է, ասես ինքը ճանաչել է աշխարհի իմաստն ու կառուցուածքը: Վերջաւորը երբեք չի ընդգրկի անվերջը: Հոգեկան երեւոյթների աշխարհը լոկ ամբողջական աշխարհի մասն է, եւ ինչ-որ մէկը կարող է պատկերացնել, որ, այսպէս ասած, անհատականութեան ուժերի ներածին չափով ինքն անելի ճանաչելի է, քան աշխարհն ամբողջութեան մէջ: Բայց այս դէպքում հաշուի չի առնում, որ հոգին աշխարհի միակ ամբողջական դրսեւորումն է եւ, ուրեմն, ողջ աշխարհային փորձի անմիջական պայմանը»¹⁶:

Այսքանից յետոյ ինչպէ՞ս կարող է Մաթեոսեանը չբարձրաձայնել, որ «Իւրաքանչիւր խոնարհ աղջկայ մէջ թագուհի է նստած, իւրաքանչիւր տղամարդու մէջ կտրիճ է նստած, մշակ, ստեղծող: Մի խօսքով, ինչպէս որ Աստուած բոլորի մէջ է, այդպէս էլ իւրաքանչիւրն է արժանի ուշադրութեան եւ յարգանքի»¹⁷: *Կամ՝ «...Մարդը յաւերժօրէն նոր, մշտապէս անկրկնելի, անընդհատ*

խուսափուկ է: Իւրաքանչիւր ոք արժանի է եթէ ոչ սիրոյ ու յարգանքի, ապա զոնէ խոր ուշադրութեան...»¹⁸:

Ուրեմն եւ լիովին ընկալելի է Մաթեոսեանի ձեւակերպումը. «Գրականութիւնը պէտք է ուսումնասիրի կեանքը: Դա է նրա գլխաւոր առաքելութիւնը: Ես միշտ աշակերտ եմ զգում ինձ կեանքի առաջ: Եւ մասամբ՝ յաիտենական պրովինցիալ: Գտածը միշտ ուրախութիւն է, կարեւոր չէ՝ ով է «հրամցրել»՝ սատանան թէ հրեշտակը: Եթէ չկայ ուսումնասիրութիւն, չկայ եւ գրականութիւն: Եթէ հեղինակի գիտելիքը համարենք վերջնական ու ապրիորի¹⁹, ուրեմն նա ոչինչ չունի որոնելու, նրա խնդիրն է՝ «գեղեցիկ ինչ-որ բան» համակցելը արդէն յայտնի, գտնուած մասերից: Գրականութիւնն ընդամենը բացատ է ջունգլիներում: Ջունգլիները մարդն է՝ իր բոլոր փոխկապակցութիւններով, Մեծ անբացատրելին: Եւ իւրաքանչիւր լուրջ գրական գործչի խնդիրն է այդ բացատը զոնէ մէկ քառակուսի սանտիմետրով մեծացնել, այլ ոչ թէ խրախճանել Ջունգլիից ազատուած տարածքում»²⁰:

Մինչ այժմ փաստուածը ձեւաւորում է իւրայատուկ մի ընթացք, որ կարելի է պատկերացնել որպէս Կեանք-մարդ-գրականութիւն-կերպար շղթայ, ուր հասարակ մարդը գիտակցում է որպէս չափման միաւոր, որի յանգոյն էլ կերտում է կերպարը: Եթէ իրականութեան մէջ կայ մարդը, ապա գրականութեան մէջ գրեւորում է կերպարը: Ասել է՝ կերպարը մարդու պատկերացումն է, սրանով իսկ այն առարկայական ընկալման արդիւնք է: Սակայն այդ հասարակն այնքան էլ պարզունակ չէ, եւ երկու յատկանիշների (հասարակ եւ պարզունակ) միջեւ անհնար է հաւասարութեան նշան դնել: Սա է պատճառը, որ իր միտքը պարզելու համար Մաթեոսեանը բարձրաձայնում է.

«Ասում եմ, որ *գրականութիւնը կարօտ է:* Քարեղարեան անձանցների կարօտ, ապագայի կարօտ, ազատութեան, բռնութեան... ամէ՛ն, ամէ՛ն ինչի կարօտն է գրականութիւնը: Եղածի եւ չեղածի, լինելիքի եւ անհնարինի կարօտը, լաի՛ կարօտը: Եթէ լաւը կայ՝ աւելի լաւի կարօտը: Գրականութիւնը օպոզիցիայի մէջ է կեանքի հետ (թէկուզ եւ լաւ կեանքի հետ) լաւի իր դիրքերից. այլապէս նա կը կորցնէր անվերջ յեղափոխական իր բնատրութիւնը, կը կտրէր իր կապը կեանքի հետ եւ կը մեռնէր: Հիմա, երբ մարդկային բանականութիւնը սանձազերծուել է կաշկանդումներից եւ բացարձակ յաղթարշաւի է գնում, երբ թում է, թէ աշխարհը հասել է գրականութեան երազած հեռուներին,- գրականութիւնը ներբողո՞ւմ է կեանքը: Ամէ՛նտիւն: *Գրականութիւնը փնտռում է մտնումնետալ մարդուն*»²¹ (ընդգծումն իմն է - Վ.Փ.):

Ուրեմն խնդիրն աւելի է պարզում, քանի որ այդ հասարակ կերպարն ըստ էութեան պիտի լինի հասարակ-կոթողային: Եւ այս «կոթողը» կանգնեցնում է յաճախ փոքր ու անզօր, մերկ թուացող մի գոյութիւն՝ Գրողը, ով տեսել է «Գրականութեան Աստծոյ երեսը».

«...Այս սիրելի-սարսափելի, խելացի-խելազար, հասկանալի-խճճուած աշխարհում դաժան բան է մերկ լինել, լինել աշխարհի մերկացած նետրոյը՝ գրող: Մայիտակ թղթի առջեւ ամէն վայրկեան կարելի է կաթուածահար լինել:

Գրողն ի՞նչ է անում. աշխարհն իր ուզածի պէս չէ, ուզում է աշխարհը բերել իր ուզած տեսքին: Դա վեր էր ֆաշիզմի ուժից, բոլոր հանճարներն ու շիզոֆրենիկները իրենց գլովար կորցրել են դրա վրայ, իսկ ահա մի խեղճուկրակ կերպարանք, անունը՝ գրող, ունեցածը՝ թանաք, նստել է եւ

ուզում է իր տեսքին բերել այս քառասյին աշխարհը: Եւ մինչ հիմա այն է արել, որ փշուր-փշուր, փշուր-փշուր ինչպէս գրանիտից՝ կերտել է Քրիստոս, սուկական ծննդաբերողից կնոջը դարձրել է կուռք, սիրելի է դարձրել Յունաստանը, Պարսկաստանը, Իսպանիան, հին կանէփի դաշտ Ռուսաստանը դարձրել է աշխարհին գրականութիւն տուող Ռուսաստան: Առանց «Աբու-Լալա Մահարու» անապատը կը լինէր միայն աւազուտ: Մարդատեսաց աշխարհը մարդասիրացել է: **Գրականութիւնը մարդկութեան կարօտն է կեանքին:** Մոնումենտալացնելով՝ գրականութիւնը մեզ կարօտել է տալիս մեր կողքին իսկ գտնուող մարդուն, հատը երեսուն կամ յիսուն կոպէկ արժեցող շուկայի վարդը դար-նոմ է քնարական.- Աստծուն հաւասար արարիչ է Գրականութիւնը՝ շնայած ամէն մի Գարսիա Լորկայի կարող է շանասատակ անել ամէն մի լէյտենան-իկ, ամէն մի Սարոյեանի սողալ կը հրամայի ամէն մի վաշտապետ»²² (ընդգծումն իմն է - Վ.Փ.):

Եւ մարդու տեսակը դառնում է այլատեսակ: Ըմբոստութիւնը հաստատուում է խոնարհութեամբ, իսկ խոնարհութիւնը այլոց կողմից գիտակցում է որպէս բնական վիճակ, այնինչ այդ խոնարհութեան մէջ է ամենաըմբոստութիւնը: Բայց եւ մարդը չի ուզում ձեւախեղուել: Իր սէրն ու ազատութիւնը, մարդկային նկարագրի ամենամանեղձ եզրերը նա պահում է իր մէջ՝ չփորձարկելով իր արարքն ու յուշը այլոց միջամտութեամբ: Ու ամբողջանում, առկայ ծում ու մարում, բայց չի կորչում մի Թագուկ Տուտու (Գրիգոր Զօհրապ), մի Դիլյան ու Խոնարհ ու Տիգրանուհի (Ակսէլ Բակունց), մի Սիմոն ու Աղուն՝ փոքր թուացող մարդիկ, որոնք են աշխարհի ու գոյի մերանը, եւ որոնց մասին է Գիրը: Այստեղ է ճշում հարցը. «...Եթէ մանաւանդ գրող ես, ընդունում ես ջլուտների եղբայրութիւնը, քեզ հաւասար նրանց գահընկեցութիւնը»²³:

Մաթեւոսեանի արուեստի գերագոյն արժանիքը թերեւս այն է, որ նա կարողանում է ընթերցողին ներքաշել մասնաւորապէս մարդկային-կերպարային ճակատագրից ներս՝ նրան անհաղորդ չթողնելով այդ ճակատագրին, քանի որ ամենախորքը բոլորի յենման կէտն է:

Մաթեւոսեանը մարդու տեսակի մէջ կարեւորում է նաեւ ազգայինը, հայը, քանի որ այն իր մէջ կրում է իւրայատուկը, որ թերեւս լեզուից, տարազից, կեցութեան կերպից դուրս է եւ կերտուել է դարերի ու հազարամեակների ընթացքում: Նա բացայայտում է մեզ եւ ընդհանրապէս մեր տեսակը, դրանով իսկ՝ հայոց կեցութեան խորհուրդը:

«Սա [հայեցիութիւնը] մեր գրականութեան միակ պարտադիր պայմանն է եւ չի դիպչում, չի բախում, չի վիրատրում այլ շահերի եւ այլ ազգերի, քանի որ ինչքան հայեցիութիւն՝ այնքան մարդկայնութիւն, ինչքան աւելի իմ մասին՝ նոյնքան աւելի ճիշտ քո մասին, դէպի մեր խորքը: Այսօրուայ համաշխարհային գրականութիւնը առհասարակ աշխարհի մասին գրականութիւնից, ուրիշների մասին պատմող գրականութիւնից վերածում է խոստովանութեան, ինքնախոստովանութեան գրականութեան, իսկ խորքում բոլորս ենք մաքուր եւ մաքրութեամբ նման իրարու»²⁴:

Սակայն այս ամէնից դուրս եւ այս ամէնից վեր կայ այլ ճշմարտութիւն, որ աճում է որոշակի պայմանաձեւերից ու որոշակի իրողութիւններից անդին: Ահաւասիկ. «Պարզում է, որ իրականութիւնը չէ գրականութեան օրէկտը, այլ ինքը՝ գրողն է»²⁵, **ապա եւ՝** «Իսկ գրականութեան մէջ միակ ճշմարիտ պա-

տասխանը մեկն է՝ գրողը գրի մէջ է»²⁶: Այսքանից յետոյ կարող ենք փաստել, որ Աղունը, Միմոնը, Օհանը, Ռոստոմը, Շուշանը, Սաթիկ գոմէշը, Ջանդառ ու Սիրուն թեւիկները... նախ եւ առաջ գրողի մէջ են, ով իր մէջ կրում է հասարակը, աստուածայինը, կոթողականը. «Եւ ուրեմն ինչ գեղեցիկ են նրանք, ովքեր մարդու համար գրում են իր խօսքը, մարդու մէջ բացում են իր լոյսը, արձակում իր ձգտումը: Պիտի ցանկանայի նոյնագոր եղբոր նման միանալ նրանց եւ իմ անձնական ու ազգային թուլութիւնը չբացայայտել, քանի որ երկրի վրայ ինչ որ լինում է՝ լինում է նախ խօսքի մէջ»²⁷:

Քաղաքերուածը է՛ւ մարդու, է՛ւ իր ստեղծածի, է՛ւ կերպաւորածի զգացմունքային-գնահատողական իմաստաւորում է՛ խորապէս գիտակցուած, մէկ միասնական գեղագիտութեան եւ աշխարհայեացքի արտայայտութիւն:

ԾԱՆՕԹԱԳՐՈՒԹԻՒՆՆԵՐ

- ¹ Հրանտ Մաթեոսեան, *Սպիտակ Թղթի Առջեւ*, Երեւան, «Հայագիտակ», 2004, էջ 121:
- ² Նոյն, էջ 7:
- ³ Նոյն, էջ 203:
- ⁴ Նոյն, էջ 27:
- ⁵ Հրանտ Մաթեոսեան, *Ես Ես Եմ*, Երեւան, «Ոսկան Երեւանցի», 2005, էջ 370:
- ⁶ Մաթեոսեան, *Սպիտակ Թղթի Առջեւ*, էջ 43:
- ⁷ K. G. Yung, *Dukh V Chiloveke, Iskustve I Literature (Ոգին մարդու, արուեստի եւ գրականութեան մէջ)*, Մինսկ, «Խորվեստ», 2003, էջ 231:
- ⁸ Մաթեոսեան, *Ես Ես Եմ*, էջ 147-148:
- ⁹ Մաթեոսեան, *Սպիտակ Թղթի Առջեւ*, էջ 5:
- ¹⁰ Մաթեոսեան, *Ես Ես Եմ*, էջ 285:
- ¹¹ Տէս՝ *Գրական Թերթ*, թիւ 2, 15.02. 2002:
- ¹² Ֆելիքս Մելոյեան, «Հրանտը», *Գրական Թերթ*, թիւ 42, 2.12. 2005:
- ¹³ Մաթեոսեան, *Ես Ես Եմ*, էջ 510:
- ¹⁴ Նոյն, էջ 371:
- ¹⁵ Նոյն, էջ 190:
- ¹⁶ Yung, էջ 186:
- ¹⁷ Մաթեոսեան, *Ես Ես Եմ*, էջ 318:
- ¹⁸ Նոյն, էջ 183:
- ¹⁹ Լատիներէն՝ a priori - ի սկզբանէ:
- ²⁰ Նոյն, էջ 233:
- ²¹ Մաթեոսեան, *Սպիտակ Թղթի Առջեւ*, էջ 42:
- ²² Նոյն, էջ 31:
- ²³ Նոյն, էջ 120:
- ²⁴ Մաթեոսեան, *Ես Ես Եմ*, էջ 183:
- ²⁵ Նոյն, էջ 504:
- ²⁶ Նոյն, էջ 510:
- ²⁷ Մաթեոսեան, *Սպիտակ Թղթի Առջեւ*, էջ 29:

THE CHARACTER SELECTION OF HRAND MATEVOSYAN
(Summary)

VALERY PILOYAN
vahagp@mail.ru

The work of every writer reflects not only reality but also the way the author feels and expresses himself. Character choice is very important in this regard. Matevosyan's characters are not simply one of the mob or multitude. Each character is an individual with a personality, and has a concrete human destiny. For Matevosyan the starting point in selecting his characters, is the ordinary untarnished man, who opposes oppression and violence. Matevosyan selects the innocent human being in his environment and does not reshape his characters. Matevosyan's character can be depicted as a continuous chain of Life-Man-Literature-Character.

The supreme value of Matevosyan's literary art is his power to draw the reader into the human destiny of his character and to connect the reader to that destiny.